

養知書屋詩集

養知書屋詩集卷十

湘陰郭嵩燾筠仙著

次韻笙階叔移居四律

洪荒開闢始何年此洞山川尚渾然  
穴鼠猶存前代社刻魚須用古時邊  
隴間放溜疑朝雨屋角畱雲當晚煙  
合與兒童陳俎豆憐君一宅已三遷

我攜太古一藤枝編就重重麕眼籬  
折竹瓏瑋聽雪夜分桃爛漫送春時  
半生禮樂遊方外兩載衣冠落海涯  
歸日更持家具從此心憎愛兩難知

時方由周際嶺徙居沙坪

貧薄移家祇舊書道南道北兩家居  
隔牆笑語爲鄰好

半嶺松篁畫界初，博士淵源宜嬾慵。莊生遊處得清虛，  
願從房琯論兵法，來往宜乘小犢車。

行蹤契合到庭鴉，朝與眠雲晚看霞。薦草依然侍中席，  
懸樽須是故侯瓜。寒春書牘千詩好，雨夜吟哦一笑譁。  
病眼支離猶強合，須防盲左笑浮誇。

時方  
病眼

奉酬沈朗亭尙書

涉世不諧用千金，藝屠龍蹇駕非良乘。前阻岵巖峩峩峯，故  
廬許歸臥謝病，巢雲松手提三寸錐。鑿石開鴻濛，仰屋  
見北斗，列宿躔南東。彗星如長蛇橫，巨天市中此物含。  
芒曜灾祥理難通，巖夏雨多寒披雲鹿裘，重山花晚狼

藉倒地殘枝紅野實蔓枯藤蕭索無春容瘴霧錯昏日  
種漑難爲功敢辭筋力疲告歸苦遽恩 丹極下仙仗  
回望涕霑胸洶波偃溟渤列燧黯雲夢介士死格鬪健  
馬橫奔衝尙書領朝班 殿陛起清風汝商感相馬陳  
思泣驚鴻唐世猶盛疆肅代塵屢蒙端藉楊李徒深識  
考所終盜賊乘患氣剽發劇屯蠡旌旆叢逋逃畿郊滿  
軍鋒千颿達遼海萬乘浮空峒寶山俯昆明出沒荆棘  
叢衣冠散如雨撫念憂心忡昔夏櫻桃熟頒賜銀絲籠  
我冠班侍從祿食養聞茸聲名數諸老掩映文采重念  
舊出妙語持贈醇醪釀涉江肯借問高軒枉過從君看

一畝居猶勝萬戶封

和研生次韻東坡岐下歲暮寄子由

老病精力疲藥物強扶佐旌麾出走卒仕宦論錢貨撫  
時叢百感身賤憂逾大飽食無所營瓶盎牆頭臥君詩  
翩然至翕翕風生座我心轆轤轉萬事入研磨今年梁  
上燕何處明年過遺山有苦語千載聊一和

年光歷少壯微分速與遲二十所歷長四十苦莫追強  
語亦達觀吾年豈有涯未知後來年視今幾何時手種  
芭蕉葉秋枯春更肥莎雞牀下鳴惻惻徂年悲君看長  
江水去與崖岸辭烈士心逾壯窮途年已衰

大道尙逶迤一龍復一蛇海櫻葉如雲屋小陰交遮聲  
名徒爲累勤思將如何不如君家讌兄弟聲騰譁前年  
星鬪野揮軍揚馬撾今年見彗星屋角光橫斜皇天與  
世人所行盡蹉跎君詩一家則猶足相矜誇  
得楊儀曹書並惠大集卻寄一首

亂離早歲已懸車尺簡頻來慰索居白首喜同招隱計  
黃巾終解著書廬君家太尉畱清節臣里相如賦子虛  
持贈一編千古意秋林風雨渺愁予

大行皇帝挽詞

一稅崆峒駕濡河卽鼎湖翠華天北極黃屋海東隅寂

寶含章殿倉皇負展圖兵端登阼始虛望補桑榆

海外條支國周旋總禍胎深謀無魏相詐敵有王恢荒  
服羈縻遠 先皇駕御才卽今元圃狩誰挽六龍回

異讖軒轅紀旄頭彗紫微早憂侵 帝座猶望轉戎機

今日謳思永前星物望歸紛紜齊趙勢咫尺見 天威

宿昔袁安淚攀號阻澗阿壯心消鐵騎老眼泣銅駝道  
路人逢少江淮鬼哭多吞聲還引望重整舊山河

胡恕皆中丞招隱次研生韻

寒山古木對高臺雅集平泉夕照開園接城陰飛雨過  
樓含嶽色渡江來三年西掖長春樹一夢南柯萬古槐

世事浮雲眞變幻且將酩酊盡餘杯

意城四十生日

昔我年四十賀者頗在門予曰噫何賀但賀驚我魂盛  
年三十畢漸復老幡幡五十始爲壽在禮有常尊四十  
縮其樞少壯無復論又不以壽名後輕而前軒但見歲  
月馳一縱不可捫今日復何日有酒盈君樽躡我四十  
期迅疾如追奔君才故嶷嶷性復博而敦磐桓位處下  
居貞以啓屯指麾大將旗寄身逍遙園淵默而雷聲萬  
口交騰喧我病方懸車茅檐負晴暄坐視天下溺無能  
引手援被服越絲裘恥爲一身溫兩端持贈君風動花



光翻黃綿組織成溫煥如朝暎被覆萬家屋爲君滌憂  
煩大猷須黼黻開府羅幢播斯事儻可爲猶能效飛鸞  
世人頗相羨吾家好弟昆季也共賢勞在事無停轅鬢  
髮改前顏緋紫霑微恩回顧少壯時夢過尋無痕裁紈  
與爲襦裂繒與爲禪堂上有二老堂下有諸孫遘亂遜  
荒野庭幃無復存三家復分居各各勤墉垣爲龍與爲  
蛇邱壑同蝮蛇吾衰老可鄙心塞眼復昏與世多乖違  
問道迷津源陶潛誠子書殷勤陳與樊惜哉非達觀語  
言徒爲繁頗遭杜甫譏此理當可原等爲四十年吾子  
愚且豚君有二賢少藝蘭擧芳蓀長女歸祁祁職事修

蘋蘩我百不如君一笑任乾坤傾觴膏我脣且得飫盤  
飧竊喜復竊歎問我無能言攬衣披君身百歲期勿緩  
辛酉元旦

往歲朝元侍從班爐煙晴旭護龍顏鑾輿星動雞  
翹冷禁籞春移豹尾間水繞灤河天北極潮回榆塞  
海西還茅檐偃火寒猶劇凍雨周廬萬里山

重感

艱難話舊易沾巾高臥淵明亦部民十載斷斷軒蓋別  
八州凜凜繡衣巡山陽有詔徵張敞河內無人借寇恂  
病臥滄江呼不醒夜寒風雪沍微春

感事

辛酉十一月  
十一日作

茫茫禍福本無涯  
夾陛躬桓自一家  
已報漢廷誅貝瑗  
終疑晉法坐張華  
西陵羽衛眞恩遽  
東市衣冠誰歎嗟  
怙亂持權同一盡  
追思人事始萌芽

由粵東假歸述懷畱別四首

浩劫東南未息兵  
遭時我亦忝專城  
知民疾苦眞慙位  
與世乖違敢近名  
埽葉文書勤拂拭  
斷齋心事劇分明  
三年尺寸曾何補  
孤負深宵對短檠

世事江河日夜流  
古人先我有深憂  
輸琛西海猶唐典  
鼓櫂南宮但越謳  
犀首直須無事飲  
鳶肩豈信有功侯

六條行部吾安放虛擁旄麾學督郵

積雨翻成噫噫陰刺桐拂檻影蕭森粵臺頊洞龍蛇窟  
虞苑銷沈草木林無縱詭隨民病亟是何濡滯 主恩

深誰言肺附戈矛起慙愧平生取友心

衰遲聞道未名家生世波瀾豈有涯新漲光陰過小麥  
故山夢寐見秋瓜人才邱壑違塵軌歸計滄江理釣槎  
滿眼瘡痍心未展更餘情思寄蒹葭

述懷

深山鎮日掩柴荆漸覺幽居萬事輕宿霧都歸雲際暝  
積寒敢望雨餘晴憂時心識反騷意憫亂詩成變雅聲

才力無多垂老病不須買藥更逃名

題曾劼剛歸樸齋詩鈔並以爲別卽效其體

十洲天外一帆馳蹤跡同君兩崛奇萬國襟航成枋局  
數篇雲海發新詩罪原在我功何補壯不如人老更悲  
要識國家根本計殷勤付託恨臨岐

臥雲居士六十詩

日本末松謙澄之父

樽桑回望接鴻濛杖履從容鶴髮翁削簡南山畱篆碧  
種桃西海襯雲紅郎君萬里娛親意文字千秋壽世功  
方丈蓬萊原咫尺晴霞指點日生東

題胡桂因女史遺像

黃巾擾攘亂初生猿鶴沙蟲淚竝傾德象女師圖畫在  
椒蘭芬拂一門清

叔宅蒼梧守桂叢畫堂明濁記江東洞庭水闊雙鳧遠  
回首三年一夢中

家山重疊似磨笄綽楔門閭賸舊題一樹棠梨春欲盡  
淒涼風雨杜鵑啼

烈婦張徐氏詩

東海有賢媛出爲張氏婦婦道心自知婦節凜無負一  
朝姑病百無瘳割背回生底死求姑亡夫又病咯血重  
剜臂肉悄悄相投經年侍病痛徹髓割臂在身痛無幾忍

痛和藥人不知一尺寶刀藏袖裏吁嗟一身血肉能幾  
何一割再割割已多爲姑爲夫身豈惜但憾無力回沈  
疴終拚一死隨夫去白日昭昭照人世

酬黃小魯廉訪見贈

豈有名聲動海瀛殘編亦比擁書城經營杞菊延年酒  
夢想 朝廷進善旌道敞抗懷猶在古吾衰與世已忘  
情病餘萬念都消盡漸覺心神徹底清

江漢名宗冠楚芳文章次第數班揚紀羣世好金蘭契  
顏謝家聲裔葉光不厭紛華羅棨戟依然寂寞守縑緗  
勞公垂念江湖逸莫把羸驂誤上襄

爲彭葆初題其尊人筱航太守遺詩

一別昭陵十四年，瞿塘秋漲有歸船。  
可憐白首纔爲郡，重過黃墟哭逝川。  
期望後賢千載業，淒涼遺句萬人傳。  
甘棠手笏畱貽在，感舊懷賢倍愴然。

題東山十八景畫冊

有序

王式杜太守爲意城作東山十八景圖冊，東山者咸豐初元恪靖侯左公與余兄弟同辟寇地也。其後意城出應軍幕，余亦以薦備官嶺表，自分此生不得復至東山，無何竟歸撫時序之遷流，感人生之變幻，乃取舊圖摹而刻之，以示不忘故邱之意。



東山

時危安石起東山何因驅向東山去東山峩峩高插天  
隨光溫石兩無預世人下隔萬重雲遙指先生高臥處  
韻絃林

平生不省箏琶耳冷然坐聽松入風雄聲散落四飛揚  
獨抱古榦撐晴空龍搏虎嘯莫渠問悲吟相對惟老翁  
西嶺

屋前瀲灩水平畦屋後嵒峩有西嶺落暉相送歌采薇  
爲君寶此桑榆景華歆爲龍沖飛去隔嶺松篁兩幽靜  
眺湘崖

湘流百里入溟濛，鷓沒天低纔一髮。  
可憐芳草滿汀洲，願照餘徽託明月。  
千載靈均同一哭，荃蕙爲茅蘭芷歇。  
檀灣

樹檀百尺空自長，伐檀爲輪屈復強。  
一夜西風捲秋籜，檀樹枯倒成荒涼。  
嗟爾爲輪馳絕域，戕戕松柏在山岡。  
檀樹灣種松千株而檀無一存矣

粟坡

農夫廢耕操戈矛，腐儒投筆擁八騶。  
紛紛旌節豈爾容，歸來負耒驅春牛。  
粟坡種粟不盈斗，無人肯隨沮溺耰。

回風峽

陰風刮地慘復雄，峩柯大葉一掃空。兩崖高張怒相勒，  
浮天一障高衡嵩。狂歌何處叫屈原，白晝慘慘悲回風。  
周際

十二萬年有此際，誰與居者忽著我。高巖大嶂奇崢嶸，  
終日掩關天上坐。遺山一出計已妄，牛奮箕張空自瑣。  
周際嶺爲子結廬之地，託始道光庚戌與季高爲山居，  
結鄰之約咸豐二年壬子避粵寇之亂遂徙家焉，患難  
相依而富貴相軋，古今人情類然耶。

### 天上峯

一峯中聳如張拳，一峯方平四周圓。陵壓眾峯出其上，  
茫昧便與天周旋。青天蕩蕩有氛祲，虧蔽日月生雲煙。

邀月磴

長恐山高蔽明月此山與月妙吞吐手栽松檜作屏障  
高處又借雲陰補三人相對飲復歌或是吾家棠棣譜

蝦蟇石

朝鴉暮鵲鳴以時蝦蟇閣閣滿春陂豈如此石臥深澗  
有口不問官與私天假爾鳴爾自忖朝夕喧聒終何爲

鳴玉瀨

君子之行鳴佩玉瑩心澈骨無由邪水耶石耶聲何來  
猶夷蕩漾生咨嗟竦身肅聽若有悟騷情詩思初萌芽

濤澗

江河導源同一水遠勢尙須論萬里急流一綫作勢爭  
人前咫尺風濤起乘危鬪險駭流俗坐對誼逐眞夢耳

新園坳

有竹數竿石一握三尺短牆抱林角野蔬藟芋稍點綴  
鳥語人聲同剝啄巢父安巢得此意爲農爲圃兩請學  
新園坳治莊以處農人遠望之若巢然遂名之園巢云

南岡

飛廊跨空敞軒牖一握孤亭傍高柳文山青原讀書處  
餘意誰收千載後安得南岡有此景著我其間差不負

式杜太守南岡冊爲飛梁跨水作長廊著草亭其右風景尤佳道光丙午客吉州游青原山長溪仿佛似之東

山無此  
景也

### 印泉

肘懸斗印身行陣颯颯西風吹短鬢投戈歸來枕石臥  
獨守清池一方印注坡拔薤如舉旗俯身捷下八千仞  
屋右壁開方池灌園其下斗絕  
菖蒲懸巖際可俯身掇取也

### 雲谷

邵陵小傍雲山住

邵州雲山以雲名

衡山雲洞妙回互

祝融峯頂山右

盡處怪石委積多  
竅穴名曰雲洞

豈如吾家有雲谷雨雲朝起晴雲暮

朝暮看雲百態新人心如雲險尤怖

### 藤花塢

琉珠嶺上萬年藤中有雲氣隨飛騰花開簇簇壓人頂  
石磴側滑山藏棱移栽南國安可得嘔強當道多憑陵  
泛舟呂仙亭阻風留宿閣上

青鞵布襪游山好急雨顛風放棹豪幕阜雲深城樹暗  
洞庭天遠寺樓高終成酩酊亡何飲漫擬沈冥有託逃  
一片君山無處所汀沙春晚漲蒹葭是日望君山不見  
歷春涉夏湖水未

漲時青草  
迷漫而已

干戈身世共誰論清夜悲歌對酒尊邊楚江湖雄右臂  
亂山風雨走中原丹邱老屋塵器遠白髮殘燈笑語溫  
夜半驚濤喧戶牖攬衣高嘯起開門

九江樓

翠巘朱樓載酒過，酒光晴泛洞庭波。  
江流九派黃陵遠，客感三春白髮多。  
沙漲簇船成旅泊，嵐煙圍雨下庭柯。  
憑君傳語西征騎，如此湖山柰遠何。

時吳退菴從軍甘肅

約南屏相見岳州城，喜而有作。  
歸路淵明北渚雲，攀巖話舊遠呼君。  
名山天岳游難倦，好酒巴陵飲易醺。  
六代風騷餘此老，百家榛梗起斯文。  
杖藜問道來何暮，試埽高樓坐夕曛。

霞老約爲君山之游，兼約研生南屏兩君同會。

謝病臥南岡，舉足不逾闕。空階積雨滑，縱橫滿荆棘。門



喧尺書至起坐向曛黑回旋身已輕倏忽生羽翼秦關  
滿豺虎磨身攫人食委符仍縮兵十步九歛側去雁無  
來蹤於何問消息忽忽江漢流白日照行色風濤落吾  
耳似挾神鬼力道深溟渤偃義肅旌竿直何必君山游  
層雲盪胸臆走書告吳羅此意炯應識真成五老會

朱聞

鍊橋觀察  
亦同歸

於時豈易得瀘湖接渚宮一水限南北莫倚

橘柚實坐待霜露逼

近吳退菴栽橘  
君山數百株

與研老泛舟洞庭湖謀迎候霞仙中丞岳陽樓下

南望磊石成連山如雲屯西眺潯陽江九派洪濤奔天  
水莽四圍白日悽已昏長波動忽裂勢偃千舟吞猶恐

天地隘倒挾銀河翻禹功不及遠導湘汨其源演迤復  
渟涵流漫歸無垠水哉聖所歎行游阻南轅鈞天張廣  
樂重華逮皇軒帝子渺揚舫流水空潺湲餘音澹久歇  
窮荒復誰論明登岳陽樓憑軒睇歸旛揚波遠安極落  
日歛金盆斯游亦瀟灑歸語湘山媛謂何貞老編詩失楚風  
吾道豈云尊離騷二十五別派成專門君行擷幽蘭吾  
亦攀芳蓀莽蒼成一夢卷舌將何言

泛舟君山

夜半千艘爭一鬪揚帆坐待東風送橫江波浪蹙天浮  
一握君山寒不動萬古蒼根蟠水府何年丹巘出雲棟

蒼茫煙雨九江樓，抗手仙梯躡飛鞚。誰言洞庭八百里，  
一綫奔濤走巖縫。秦皇楮樹臥枯杈，軒轅遺臺積寒霧。  
但餘柳毅傳書井，古篆莓苔闕煙洞。舊惜神叢兩剎荒，

君山舊有四寺，  
今存二寺耳。

新移橘樹千株種。湘君祠廟亦久廢，至

今楚老猶餘痛。經過三十一年事，回首前塵杳如夢。故

人枉約觀春漲，坐看舳舨溜寒甕。

吳南老具  
酒相款。

半醉憑闌

悲髮禿五年懸組，壓腰重歸來萬事付一笑。聊與湖山  
試吟弄，諸君才力更橫絕。俊語雄篇雜嘲諷，可憐荒寺  
無人到。古木空堂聞鳥哢，莊周玩世自非材。孔鮒藏書  
妙無用，請書此語鐫巖巖。莫謾流傳防駭眾。

東軒觀雷劈古松歌

東軒屋高七尺強枯松半段立負牆承簷偃雷纔自庇  
無復風雨蛟龍翔雲濤噴薄外漩涌節砢砩兀中堅蒼  
其生不知何年代或恐盤踞先秦皇火燔不死雷轟裂  
此豈人力能隄防摩雲捎漢出枝葉亦恐上逼星辰旁  
豐隆挾私走礮礮砰礮自試爭奪場公然霹靂尋汝至  
巖谷擺盪垠橫僵摧排棄置溝中斷那復垂顧棟與梁  
山頽榦折亘精氣夜半吐燄千尺長息亭道人取置雲  
霧裏兀立天地開洪荒我來四月寒飈厲微霰灑空天  
雨霜斗驚螭臂坼地出百怪冰炭交我腸汝身奔霆豈

及料汝才斤斧誰能償摩挲萬古渺一息坐視毅豹齊  
彭殤叢芻亂葉浪自舞高下紅紫相低昂盛衰榮落不  
到眼磊砢成就名山藏洞庭廣漠天水混一氣與汝終  
老無何鄉

小泊湘陰城下

卅六灣頭水依依繞郭流市橋煙隱岸江路雨隨舟村  
社家家燕春耕樹樹鳩寺樓同寂寞

詩僧鶴備居伏  
波祠亡久矣空

憶舊時游

白魚圻塔

無數臨江塔迢迢送落暉江通黃牯市山盡白魚圻野

水連湖渡晴雲帶雨歸亂鴉飛又過南去款巖扉

磊石山

洞庭春漲接煙蕪磊石平浮嶼孤暮雨歸帆過北渚

斷雲古戍是南湖

青草湖一名南湖卽磊石湖也

屈潭鼓枻歌悲咽湘

浦揚舡夢有無一候停雲賦招隱扁舟仍喜故人俱

泊舟蘆林潭與研老散步洲上

黯黯蘆林夜泊船平沙月上水如天潁湘流派全成澤

煙火人家趁種田

近年湖田多泛耕無常農

身世棄捐同苦李文章

論薦賦甘泉憑君一話滄洲隱五十蹉跎近暮年

崇勝寺僧惠君山茶

團龍碾鳳充官焙晴窗煮茗顛春雷豈如小園新雨足  
旗槍摘試雲腴胎壑源雙井不易得洞庭君山纔咫尺  
傳聞 寢廟薦新時玉椀醲浮瓊乳碧乃知人間第一  
春慣供寶鼎紫茸茵卻怪清冷一勺水肯餽跛石眠雲  
人人言君山之茶清且厚北港雖清不容漱寺僧雜揉  
出新意別有雲芽浮雪竇我有園茶五百叢正焙外焙  
一埽空生平不識茶經與茶錄頭白歸來桑苧翁妍媸  
萬變不挂眼沙溪北苑原同產一甌飲罷詩先成乞師  
更授梁園簡

二妃墓

滿湖煙雨隔黃陵斑竹青林幾廢興  
兩地一邱同恍怫

二春孤樹記攀登

墓頭一樹最奇古

年年雨過沙痕漲  
片片雲

飛水氣蒸合著哀猿添守戶  
空山苦霧長寒藤

### 崇勝寺

崇勝前朝寺陰陰屋半間  
雲光多在水雨氣半沈山岩

畔苔鐘澀

寺外有咸淳四年鐘

牆陰鐵甕斑

階下鐵甕二嘉熙四年孟府十人製時孟

忠襄爲京湖制置使兼知岳州十人或其僚屬也

惟餘今古憾把酒對孱顏

### 洞庭君祠

空山一雨過春水九江生  
湖外此祠古門前北渚平扁

舟昨日泊尊酒故人情  
寂寂園林晚幽禽三兩聲



舒仲和屬題其尊人蘇橋先生宦蹟圖四冊

牛山種樹圖

登山課種一事無去官猶作種樹圖使君心與東山月  
夜夜畱照城南隅四十年來已陳迹牛山巖嶮沙埋戟  
祇有濡須水拍天落日盤陀邱釣石

濠州郡樓曉眺圖

淮濠疊浪作飛雨白雲綿亘東西魯高樓眺晚秋滿城  
日暮歸來踏官鼓楚州形勝爭戰多百年安堵蒼陵歌  
於今臨淮眞負險柰此防秋兵馬何

騎驢赴亳州任圖

翰林馬瘦車帷單，僮奴喧笑得改官。豈知朱幡今作牧，  
疲驢破帽假春寒。亳州自古豪俠地，問俗微行有深意。  
春鳩喚耕蠶已眠，忍遣旂旗風雨至。

夜月渡洪湖圖

洪湖舊是支祁窟，官捕盜艇互出沒。漢家興廢須臾間，  
赤盾黃巾兩飄忽。我知此輩雄椎埋，兩粵吏治嗟尤乖。  
嵩齋在粵一以治盜爲急薛宣朱暉今已矣，小儒不用叢譏排。

張紫聯樹萱種竹圖

與君同儁南宮試，二十一年成底事。頗記當時侍慶錄，  
同榜生各記父母兩老齊年荷天賜。君惟一母最康彊，  
生辰名曰侍慶錄

相看並是家庭瑞我始南歸感風露羨君又奉板輿至  
名兒戢戢生已多我纔一丁君過二參差立玉多文詞  
趨踰更慰衰年意看君樹萱種竹園愉色婉容生有自  
吁嗟萱草一寸心春暉照檻森成陰春陰漠漠看成竹  
清風已滿琅玕林今君又領百城長正待舞綵冠橫簪  
要令郢曲輿人誦譜入笙歌華黍音我願萱草常青春  
常好玉笏孫枝抽又早參天拂雲助君笑甘棠種徧湘  
南道善政娛親尤可樂男兒五十未全老便教再過五  
十春此樂人間應更少圖成題詠已紛紛爲君歡笑又  
憐君何似玉池老翁手種一竿竹拄笏飽看南山雲

鄒見嶽太僕嘉靖壬戌會試硃卷詩爲鄒資山作

前年曾過洋溪宿訪君太僕前朝屋高門大棟三百年  
更餘試紙森成束古書斑駁人所珍解卷殘餘豈容讀  
延祐省試石鼓賦寶祐禮部題名錄斷簡零縑出灰燼  
照耀瓊笈裝玉軸何況君家世德今煌煌展卷雲霞紛  
滿目君不見漢廷對策專求賢議郎博士徵連翩陽嘉  
試格法一變崔胡論駁無乃偏公府端門取兩試用舍  
一出朝廷權李唐乃有糊名法用之禮部實自景德年  
後來又設謄錄院祥符以後試法繁如煎皇慶關防用  
硃筆檢察直欲窮潛淵雖然用法日織密東坡上議足

使心爽然明世三場仍古法四方才俊紛盈前安石經  
義爲對偶歸唐變化始王錢嘉靖四十一年正當中晚  
際文字頗亦爭新妍想當七篇五篇快揮灑萬人驚看  
筆如椽其間詔誥不著筆定制本不苛求全長條印記  
猶滿幅試官正雜擾攘如雲煙是科崢嶸兩榜首長洲  
狀元申王文太倉肅公聲名久其餘二百九十人無復名字  
文定公  
記誰某考官略記丁士美董張兩吳名俱朽當時解牒  
今何在嗟峨一卷千載後流傳端賴後人賢此物君家  
眞世守吁嗟帖括始自唐以來汨沒男兒好身手君家  
太僕實權奇文氣尙挾蛟蛇走請君寶此朱藍本貽畱

猶勝古壘自君不見野鵝山下讀書堂人物科名世安

有

兼謂公讓叔績

寄金眉生都轉

故人天末題詩處  
賸水殘山尚浙西  
深屋雲隨風葉落  
寒冬天與海潮低  
此才豈分埋蓬艾  
晚歲猶聞厭鼓鼙  
予髮蕭蕭今老矣  
爲君詩句一含悽

題裕時卿晚涼看洗馬圖

高柳簇溪松枕石  
人間無此好風日  
林陰八駿已收韁  
孤負龍媒渥洼出  
可憐西涼白羽揮  
馬嘶不騁功已微  
試問鋪張遠征賦  
何如拂袖南山歸

養知書屋詩集卷十一

湘陰郭嵩燾筠仙著

東林上人晚赴慈雲菴阻之不可不遇寺僧而歸有詩  
寄興奉和

山石盤陀徑路微問師何處款巖扉爲尋壞衲黃昏至  
驚起棲鴉窸窣飛鎧火看人成冷淡水雲與佛妙因依  
人生晚出終成笑薄暮東皋吾亦歸

次韻羅研生舟行墮水

生世如汎舟飄浮無時機君豈倦於勤臨流思納履曰  
以息吾機浩蕩乾坤裏又此悟文境波屬而雲委較量

鳶樓食魚鼈正同耳精氣淪九淵翹立爲萑葦盤跚踏  
濤頭猶勝騎箕尾坦坦君自適旁觀駭且泚長河千里  
瀉洞流向瀾瀾頗憶髯蘇詩嗜好蛇蚓比卅年積塵垢  
復此一湔洗近歲爲文徵徵人益徵鬼離騷二十五六  
經同一揆先哲有流遺後起不旋跬一舉付洪流此志  
甯遽弛遂使人賢盡詎免神鬼恥君言江海大聊欲窺  
津涘我詩方入神軒然大波起

次韻羅研生大風雨初度

頑星墮地走乃在湘江隈大哉天壤間吾與君俱來倏  
忽鬢髮白未耄已先頽長松鬱孤岡徒爲風雨摧鼎鼎



少壯年所得亦何哉始嬉困棗栗涉壯營鈿釵中疲屬  
物役簪笠與芒鞋瓊華薦芳馨幽澗束薪柴各自適其  
用作劇走嬰孩投老謝冠珮閉戶顛瓶壘豪強貴人罵  
肯顧手中杯曹劉非吾與況與君輩偕羣兒意氣揚騎  
馬踏天街安知梅根交把筆瀉奇瑰方朔但敖弄袁淑  
雜俳諧目睎唐虞風栽松使舞階惜哉薦不遇乃使吾  
願乖今年歲在辰六十守煙霾蛟龍咄老朽傾水與磨  
揩一笑君勿爾卽爾亦復佳

次韻羅研生仰天庵

藏詩東林寺我嘗笑香山區區文字孽願君委道邊陶

潛曠達人避世或云偏不見古城闔村豎犁爲田人言  
天一耳君乃有二天獨於塵壤間自號紫髯仙觀書挾  
朗月走筆搖奔泉偶憩仰天庵面山俯層軒焉知千歲  
上不是此山禪欹松故偃蹇幽游爭嬋娟寥寥天地外  
相與兩悠然征南紀功碑苦將姓字鐫至今峴山石無  
人與高懸成佛猶妄想謝孟更誰先莫惜言如山今人  
久棄捐意氣有時盡此心誰爲傳仰天天故爾起滅空  
雲煙

次韻羅研生登萬樓

漢家中興將圖畫在雲臺悲君老秃翁昂藏何自來先

聖有遺經雲漢森昭回後生困俗學沈氛鬱不開九河

聖所鑿堙塞渤海涯何沉傳注家墨守或中頽毀勤習

所聞積學如積財

貴人有謂居士者曰君學如散錢居士笑曰苟有錢不憂無貫錢之緡君

等持空緡其借問萬樓下岸花誰所栽頗憶觴月圖在

坐皆雄恢陳侯性磊塊馬生語奇佻

意城曾作萬樓觴月圖陳懿叔馬梅

初皆有記當時萬樓記風月鬪心裁往蹟渺難尋壞壁罨蛛

煤登臨復此老攬古須儒才逝將往從游一日腸九迴

高蹤更恟恍山隈又水隈

苦雨四首

涉秋乃霪雨春陽颯已至百有八旬盡此意猶酣恣雨

師挾頽雲翻覆眞能事土膏安所施排蕩溝渠累管闕  
闇晝景詎辨星辰次巖巖鬼神居雲霧互虧蔽沈昏遂  
終古恐懼高穹墜

名都歡會讌華屋列高衢交筵盛官府清酌酣笙竽重  
檐隔雨聲四角懸流蘇微風不得入談宴多懽娛盈虛  
消息理旋轉在斯須冬雨久滂沱天河困傾輸恐復深  
耕日沃土成焦枯貴人事歡欣世事方艱虞語此但一  
笑君言良已迂

島夷有要約朝野氣徒結陰謀展時日濡忍用此訣冥  
行四十年國恥誰與雪建武運中興北庭請詣闕班掾

議酬荅橐草並論列豈無應對才發言能屈鐵空復埃  
明年氣索智亦竭今年行已矣明年更何說

我思在何所山深水復阻築室完我壟憑陵更狐鼠東  
南兵始戢蓼辛猶在茹交口誦昇平人人盡伊呂劉向  
條灾異鑿往如列炬轉石與拔山持論徒毛舉老鳴喜  
風霾屋角作人語雨多有時盡雨盡柰何許

和金眉生都轉談津門舊事感賦二首

片雲飛墮楚山孤儘有游談佐 廟謨白日當關驕臥  
虎西風橫笛感嗚鳩樹榆何必輸安國細柳甯聞任亞  
夫歷代規模誰得失空傳懷疏起雄圖

麒麟高閣妙圖形端拱甘泉接萬靈兵甲再施元聖

略車書一軌百年型

仁廟兩次用兵雅克薩城以撫輯俄羅斯而東北無邊警者一百

五十年宋明局勢真旋踵董賈經綸欲闕廷

原詩季世儒臣書不讀堂

餐箝得口如瓶此專爲當事言之大臣無經國之遠猷盈庭闕然朝綱日紊非徒以病國也其去道也滋遠宋明以來無有能辨知此義者矣莫對青山談世事與君爛醉倒空瓶

和眉生見贈四首

湘江咫尺寄雙魚豈謂忠言亦近諛垂老欲尋蓮社約  
乞歸傳寫草堂圖高軒雨過松篁暗老屋苔封徑路紆  
翦韭摘葵差不惡無忘原憲守桑樞

鈞天閶闔有高風楚老惟求矩矱同夢裏山川雲似蓋

眼前旌節月懸弓人才奔湊千途進世局喧闐一曲終  
意氣凌人真作劇搏沙鬪草走邛童

張騫持節出河源一見端應勝萬言空使徐嚴誇論策  
幾聞頗牧靜邊藩幅員茫昧成窺井風雨淒遲好閉門  
百尺高松無恙在祇應長對阮公論

十年心跡白鷗知且喜江湖暮景遲陶令罷官猶有宅  
左思招隱更無詩元精耿耿眞同抱白日昭昭寢已馳  
獨去獨來無所係期君攜酒菊花時

和李申甫飲朱氏園

有生苦局促如鳥處篋中掉弄文字間散爲萬里風入

門或望氣佳哉鬱葱葱甯知老病兼頽然已成翁故人  
奉簡書來藩川嶽雄命酒集賓從雜沓虎與龍松竹梅  
正肥城西訪朱公汎濫瓜茗場相對老更恭高臺矚落  
日飛雨灑晴空得非詩人唾呼吸與天通置身蓬萊顛  
砉然脫樊籠何必冠履游貝闕與珠宮世人怒相覷耽  
視炯雙瞳金章謝不御妬怒甯爲功舉頭天宇闊星月  
光臃腫芥蒂螻蟻爭豈足挂心胸老兵充節使旄麾賤  
如蓬君歸峨眉西我思扶桑東鏡板各停敲歌闋曲亦  
終蔑棄朋友義吾道乃真窮

和周昌輔游嶽麓



山意眞如人意幽幽人無事喜山游江邊城郭平浮水  
天外煙雲散滿邱雙澗泉聲猿出聽六朝松影鶴歸求  
寄雲閣燼高臺圯一種蒼涼望裏收

講堂秋近晝常陰碧蘚蒼巖望轉深北宋文章開此地  
南臺風雨落千尋蕭森宜養松篁氣寂歷誰參澗壑心  
一讀君詩動遐想白雲飛鳥約歸林

與吳萊庭

下瀨船從鳥道回三年懷抱爲君開人才消息資談柄  
世事浮沈付酒杯斜日孤帆羅子國秋風落木粵王臺  
故山猿鶴應相笑又過遊仙一夢來

九日次意城韻

人世從容歲月寬  
年年九日盡餘歡  
粉牆薜荔風翻動  
酒盞茱萸露滴乾  
萬木蕭蕭催老易  
千峯磊磊欲登難  
惟餘杜老悲秋句  
雨霽山窗倚笑看

次韻意城書感六首

老矣揚雄吃無勞  
作解嘲心通天地始  
道合鬼神交時  
論迷鐘缶生涯付  
甌箝薜蘿真在眼  
萬事與捐拋

天下安危理非關  
笑貌爲卷舒吾道在  
得失此心知  
牛掣輿誰曳羊亡路  
更岐白頭歸誓墓  
此意問羲之

令弟才難得  
生平幕府居  
幾聞宣室召  
空惜穀城書  
望

日違辰極凌雲屬子虛歸休小山隱叢桂已蕭疏

小雅憂譏諧嗟哉草草勞有魚慚劍缺無鹿食苹蒿雨  
暗天難曉江寒石易高莊生齊物論萬籟聽風撓

晨昏鴉鵲噪柰此唧啾何老屋煙塵暗殘年風雨多荆  
榛天地塞魑魅戶庭過孱楚何由競深深此汨羅

夙昔思夷惠悠悠千載風斷壑猶震盪飛鳥入溟濛憂

患升沈共譎張今古同健兒誇獨出

謂左  
季高

莫更問桓躬

龍樹棠見示夢亡兒詩次韻四首

老年多感彊忘情無用西河淚雨傾且死要兒扶杖履  
放教絕壁試飛行

記君風雨過從時翦燭西窗細品詩追逐宋唐參一席  
三年孤負好心期

故篋遺衾尚淚痕餘恩感激到庭闈

陳夫人仁善有殘  
恩亡九年矣

年獨灑思兒淚暮雪淒風更斷魂

萬樹風乾天正寒壺觴坐對起悲歎

爲來詩  
句發

傷心遺槩

飄零在落日空庭似夢看

贈黃昌期軍門

小隊元戎過草堂九年別淚尚沾裳東南半壁手開拓  
旌節長江氣莽蒼雨急江湖增浩渺吾衰身世已滄桑  
無忘車笠平生約歲歲遲君壓酒囊

次韻羅小溪見贈

吾衰有底用多病更頽然落落人間世悠悠頭上天  
疏通烏兔氣茫昧燧巢年今古雞蟲鬩還歸一炬煙

羲爻陽且去畱與萬人觀世路嶠函險吾心泰岱安  
地憂穿處側天笑補時完一夢莊周蝶前期墮渺漫

鈞天閭闔遠何路貢愚忱嘆喑紛紛口冰霜寸寸心  
世情肝膽賤山徑薜蘿深四坐無言說遐哉正始音

元龍江海意憂國夙心殫氣盛當之靡言深聽者寒  
衣冠眞寂寞談笑總艱難賸買耶溪劍歸來掩戶看

軒轅遺律呂古響發瑤琴自失和平聽空傷遲暮心  
海

山千里隔風雨一鏡深莫笑文章賤猶能字一金

萬國化爲水蛟龍亦坎珂炊煙隔水斷野哭入秋多鬱  
塞高天暗祈禳九土儼與君眞避世淨契結煙蘿

題白蘭岩詩集

與君同榜廿年前看徧琳瑯滿壁鮮十載旌麾歡再至  
一尊談笑感華顛醉吟烏帽秋風裏夢醒黃花夕照邊  
賸欲題詩誇老健樂天心迹古今賢

金眉生用東坡竹枝歌韻枉寄

洞庭連江春水深隔江雲樹橫孤岑美人抱瑟寄遐想  
終日燕坐青楓林澄江落日蕩空碧微波欲動回風及

一曲滄浪流水怨三春環珮空山泣武關一去車闌闕  
鴻溝無地望中原楚歌哀怨古如此鳥嘯花落空年年  
闔闔迴環天咫尺窗開幔捲浮嵐入蕙蘭干畦香草麗  
蒸瀟九道江流直悠悠四顧竟何人世事煙雲合幾秦  
楚國蒙莊終漆吏漢廷遺老徵蒲輪高巖積溜作危咽  
干將莫鄒愁缺折等持方柄求圓鑿肯棄長鏡尋短鋏  
萬劫浮雲過太虛飛飛雁鶩相追呼讀書埋頭老一世  
拔劍直視雄千夫卻思身世無窮事高冢騏驎空灑涕  
小儒有口霧漫天大夢無蹤風掠地千年明月照愁多  
相看髮短冠峩峩張儀骨朽秦宮燼至今悽惻楚人歌

書夏貴溪真蹟後

東橋文章有經緯當官亦具雄直氣貴溪強直天下聞  
乃使傾心事中貴當時意氣橫九州墮車豈暇前身謀  
流傳尺書落吾楚頡頏何李詩家流丹徒學士工點畫  
上睨平原溯流派入朝齟齬水火爭下筆縱橫風雨快  
才名早歲真能賢未及西苑辭歸年手救銀章成底事  
腰輿入閣誰爲憐

此書當在貴溪始入相時其後再入相益驕無復此書之旨趣矣

題李輔堂三山歸棹圖

海上三山不可到對君圖畫眼爲開浙東煙雨浮嵐出  
世外人天禮佛來別我游棕如夢寐撩人雲氣雜樓臺



山川解說吾能聽相就狂傾三百杯

送張笠臣赴黔南

紫衣長史領身旗自許功高迹更奇  
二萬人軍雲在幕  
三千里路雨如絲春深江發蠻夷漲  
日落山銜狡狴悲  
此去安危須熟計蕭條時事愧吾衰

贈越南使臣阮懦夫侍郎

扶桑銅柱上朝暎保障關南海氣昏蠟屐湖湘消幾兩  
漸看風景近中原

羣阮風流筆粲花

去歲阮君思儻奉使過湖南於君爲宗人詩筆絕高

年年使節

走天涯縱橫王會圖中見天下車書自一家

副使范晦叔鴻臚

平陵萬戶范明友家世衣冠盛海壖記取岸花檣燕意  
洞庭東下水如天

喜看瑞物應昇平馴象南來萬里程二十九年逢緬使

白頭重此話滄瀛

道光癸卯在辰州見緬甸國貢象  
至是談產象地遂泛及五印度

副使陳直之光祿

光祿崎嶇石隴關此行未覺道途難太行山色黃河水  
落日平原立馬看

賀監歸來乞鏡湖世南病臂倩人扶數行寫贈瑯琊帖

風雨江天見憶無

承諸君索書  
詩意因及之

楊海琴以所藏春明憶舊圖摹贈楊性農

人生蹤跡如流水到處淳洞不自持  
歷歷生平塵外夢蕭蕭朋舊卷中詩  
酒闌雲散無留影月白山青又此時  
諫草堂前相見地摩挲圖畫鬢成絲

張笠臣邀同海琴諸君小集海琴有詩笠臣見示和作  
並邀同作

瓦盆盛酒臥莓苔仰首長天眼倦開  
黃菊招邀成小集青山供養到頑才  
一樓風月無何有六客田園歸去來  
蔬筍到公真有味願從日日倒千杯

朱香蓀用前韻見贈奉荅一首

眉目生塵面著苔百年懷抱爲誰開使君風義自千古  
今日衣冠無此才挂壁長弓壯士臥戛枝枯葉朔風來  
寒天欲至頭先白痛飲狂呼三百杯

張筮臣用前韻贈石似梅感賦一首

劍匣埋藏鐵繡苔五天虹氣豁然開眼中蠻觸悠悠世  
壁上枝梧碌碌才小會壺觴銷歲暮諸君談笑挾風來  
霜寒日短吾何事如此湖山付酒杯

楊海琴七疊韻枉贈奉荅一首

漢碣秦碑萬古苔窮巖撥剔野雲開發攜金石沈雄氣  
潤色湖山跌宕才暮雪騎驢棄官去曉風呼鶴載詩來

吾衰萬事嗟淪落補綴殘書續玉杯

次韻劉史亭見贈

羣書羅滿腹自我一家風落木蕭蕭景寒蛩款款忠世  
途紛萬變老眼望諸公子面如吾面區區校異同

次韻周昌輔五十初度

暮景衰頹過五旬看君次第及茲辰風霜天氣寒猶未  
薑桂生平老更辛得失漸回孤枕夢榮枯已悟百年身  
石榴消息寒梅覺昌輔生日以五月余和此詩在十一月歸計從容酒數

巡時昌輔將自長沙告歸

題曾達舟慈航歸慶圖

一官笑插塵中腳拂衣更羨歸田樂歸田奉母樂更無  
去住京華事如昨初離母出爲人後耿耿七年酬一諾  
辛勤三十有二載已見魚銜空泣索慈烏兩哺賴孤雛  
頭白生烏終有託長安春風十二度開門歡笑雲垂幕  
碧蒲草放尊前舞紫藤花開鏡下酌偶然思鄉理歸艇  
片帆黃鵠磯頭落去時兵火白漫天歸日江楓紅映郭  
慈顏一笑十年夢白鷗重踐江湖約嗣母墳頭宿草深  
當時對語今冥漠餘年風景倍珍惜區區令僕功名薄  
健筆雄文紀歸慶畫圖再見荆關作可憐至性照區宇  
長使清風動寥廓嗟予舊宅耕川堂蓬蒿塞門苔滿閣

有祿不及霑親脣廿載微官甘迹削幾時歸守先人壟  
狂謀拙計難爲藥已乖宿願倒瓶罋卻慙微尚同邱壑  
自比青蒿倚長松豈殊河伯誇海若待君百年譜家慶  
重寫頽唐供笑噱

劉笏堂赴官滇南到長沙屬題芹菀圖賦贈卽以爲別  
一別章江十六年南征又放洞庭船絃歌東海人歸矣  
君由浙江改官雨雪西山夢惘然舊德孤琴長在壁貧家野菀  
欲成田清風譜入籌邊詠回首松楸萬里天

朱香蓀餽歲枉辭兼有詩次韻一首

鯁生聞聞道罔識今古鑑貶心就時趨面澀氣先憚徑

思抱黃犢遠與巢許伴文章軒頡契心性雲山戀坐看  
沮洳場深陵變高岸子來自龍山塵沙猶在面華筵微  
盛侶短燭張清讌崢嶸葵藿腸隅坐叨屬饜新詩脫手  
出經史困征斂榮觀不挂眼奇賞獨心羨發聲羣響戢  
萬目眩窺瞰世人但驚怖咫尺猶河漢歲寒冰雪積對  
語涼燠變經冬菘芥輒近水魚鰕賤獨食腹常廉肯費  
一錢濫敝裘甯掩膝促襟肘已見吾徒忝溫飽豈免鬼  
神訕嘗疑混沌天愚賢未剖判積金有傾覆過眼激奔  
電區區幸終納此物亦首領

次韻朱香蓀見贈



椒醕延春酒蘭缸照夜鐙歌吟楚風補杖履孔堂升陋  
俗偕爲客儒林各樹朋迂疏有同嗜矯捷讓羣能國步  
更夷險人賢幾廢興桓譚甯背主嵇紹肯爲丞殿閣晴  
霞擁江湖皓月澄九門通燿火一夢阻觚棱薄宦輕蠲  
屣奇蹤託買繒文章通性命意氣各騫騰往哲精常接  
狂呼勢欲磨艱難幾諸葛畱滯一徐陵子道兼騷雅人  
言半愛憎紛攘甘閉眼忠憤每填膺冠佩驕嬉慣閭閻  
禍亂仍憂危如我迫披豁向誰曾爛醉茵頻吐傾談几  
更憑先鞭防祖逖長嘯共孫登闊達言無忌摧殘氣倍  
增世人間大笑擾擾似蒼蠅

次韻劉史亭見贈

身世嗟衰鳳文章感獲麟名聲真竊忝談笑已通神舊  
業圖書富清時榆柳新山川通地絡元會入經辰故事  
編陶岳東堂會郗詵九江神禹績七澤帝軒巡潤色人  
文盛鉤稽道里均長材甯小就妄意拯斯民竟作江湖  
隱空令歲月淪潛蛟舞幽壑斥鷃委荒榛晚食看塵甑  
寒溪有釣緡新詩陵鮑謝高論極周秦戰伐嗟頻歲元  
黃忽下堙蕭條顏閔業踴躍釣屠倫一意趨澆薄何時  
返樸淳功名途便捷盜賊勢紛綸戢影瀟湘地尋幽澗  
谷春江蘋風動合巖薛雨露勻翦韭猶含本烹魚莫損

鱗自然饒野逸未要領簪紳夙昔棲皇志吁嗟老本身  
懷悲人豈喻避俗世誰親吾道宜憂患生涯任屈伸滔  
滔流益靡曖曖醉非醇省識浮生理消除一切因篇成  
君儻笑已自墮根塵

次韻張辛伯見贈二首

將軍脫劍櫜弓後爲埽東山臥謝安楚岫雲寒三戶雨  
蜀江風漲五湖瀾據鞍顧盼猶思趙結駟縱橫枉挾韓  
一笑釣臺高百尺白頭何意起投竿

高天象緯筆曾干廳壁松槐解笑韓豈分聲名動寥廓  
儘餘詩句洗悲酸一官偃蹇消時用萬軸沈酣鬱古歡

回首鈞天成一夢，依稀仙樂擁鳴鑾。

張笠臣招同南屏研生笏山友石香蓀史亭上巳日潔園修禊

禊事永和二千載，風流身物盡蟲沙。疏簾細雨今宵酒，大醉豪吟好事家。勝會成塵天隱霧，殘春如夢樹交花。叨陪諸老承平集，點綴湖山似永嘉。

百年人物存公論，未審遺山野史亭。絃管歌呼無此樂，滄浪清濁問誰醒。眼前變幻浮雲白，樓上峰巒過雨青。太史賢人應入奏，莫驚談笑動天星。

羅研生見示陳岱雲所撰其尊人沛林先生九十雙壽

序

當年絃管盛稱觴  
屏幃今餘翰墨香  
展盡春雲含婀娜  
坐深孤月照悲涼  
舊游蓮社頭空白  
老屋松圍影更蒼  
把筆升堂猶昨夢  
誰言人世已滄桑

潔園展禊分韻得山字

名園懽嘉招何必遠  
塵寰卽事展幽禊  
清尊尊理餘閒高  
樓闌落日掩映隔  
江山暮色懸星斗  
浮雲與飛攀姍辰  
一瞬盡呼酒賭窮  
慳微暄榛莽驕積  
雨蟲黽頑扶持芍  
藥花牆陰晚斑斕  
春意鬱不騁當階  
困茅菅吾曹自幽  
賞相視老且孱  
紳纓已淪賤尙欲  
憂時艱東南天柱  
圻

埃風漲河關人亡國亦瘁肯更哀痾瘵霹靂走晴晝神  
鬼叢嘲訕及此春山青泣視淚潸潸俄頃心百變宿霧  
霾煙鬟險怪匿不露貌婉神亦媚尙憐一池水積溜鳴  
淙潺流觴不及浮千沫與回環吳安禰三讓屈末亂周  
班

吳南老  
居末座

不如老梅根賈勇雲梯扳

研老年七十  
平步登樓

楊侯

幸橫埽詰曲走貔猊孫君妙寫生狼藉蒲與藺瞑翁兀

動龍蛇隱華鬢

香蓀常逾月不櫛髮白樂天詩  
華鬢斗戴龍蛇動故以戲之

聯翩

十一人衰髮各成斑寫圖畱勝攬科首雜巾綸一一磊

落姿方寸藏神姦我獨甘不肖無乃肆欺謾

張子亮爲  
諸公小像

皆肖獨嵩燾  
一人不肖

主人饌多珍異格類散頒熊膳關東來爪

短毛般般江魚慣飽食煦沫口常圓兔肥鴉鳩黑盤炙  
惟紅殷芼以葵與藿羹糝羅紛編良會古難逢不願乞  
歸還晦明乖常理倏見弦月彎走隸頭如鼃哆口嗤吳  
蠻豈復能解味歡欣寄人顏餘惠霑輝胞逸事喧鄜闈  
我家水竹叢卅六清湘灣自趨省中居無術補憂患笑  
語詎相溫寸步千函輟且復懼此飲萬慮從刊刪

吳南屏見示筵部韻詩冊時湘鄉相國薨已逾月矣

當春凍雨傾如筵天河倒翻日車摧君胡爲者抱書至

慘慘凶問相尋來昭忠祠畔相向哭

初聞侯相之喪與  
沅甫宮保會哭昭

忠祠

下 又見新火更檀槐大江澎湃走萬里淚眼東注爭

喧豷三年東游具舟楫竟負宿約成睽乖閉門一榻坐  
深甕瘴霧塞天風滾灰瀟湘洞庭苦迫蹙大穴一淤四  
郡穴蓬蒿尺深障我屋甯待烈火燔荒萊君持道力勝  
流俗笑擲傀儻奔村孩高帆駕浪狎蛟鱷矮杖撥路空  
虎豺石城鐵甕忽到眼屹立無恙何雄哉西湖春鳥喚  
人去扁舟何處空疑猜豈知詩句門清險一瞬白日西  
山隤陶侃忠誠晚更厲幢旛寶蓋紛含哀君看九江樓  
下水遠連江海屯風霾長沙城西兩載別衰髮滿頭霜  
雪皚世間萬事誰料得重湖一水春浮杯劃然乾坤有  
拗局回憶此老洪荒開更待君詩紀終始靈星配祀追



封部

題張笠臣無知知齋詩冊

人世悲忻掣電過，祇餘詩筆鬱嵯峨。  
羣峰黔楚爭奇出，黔游詩尤勝勝事林園避。謗多我亦入山尋，  
偃蹇晚來飛雨走滂沱。朗吟君句風濤裏，鬢髮蕭騷柰老何。

苦雨次吳南屏韻

山川無日照五月，凜深秋慘慘江湖雨。  
沈沈天地愁雲羸，看更鬱神鬼獨何求。  
三尺階除水兒童與拍浮，郡國蕭條極蛟鼉。  
捲浪來窮按雷電入，倒挾海山摧巨漲。  
流難穩狂瀾勢肯回，巖居紛萬感嗚咽澗泉哀。

澆俗多冤獄推求寸寸悲覆盆光豈照掩袂涕長垂異

兆蛇盤大

臬使署近有蛇異或言  
久雨當爲冤獄之徵

高墉蟻穴噉吾廬同

岌岌危棟儻能支

楞嚴虛妄性吾欲問房融騷屑甯天意溝防惜水功  
沲潛諸道塞塵市一舟通莫共深源論淒迷雲霧中

彭麗生題食筍齋遺詩次韻奉酬

百昌歷物候氣與天地新老死無還期嗟嗟今古人  
碣石淪海中滄溟復揚塵一瞬少年盡安知來去因

五載西河悲塵土長在面君亦失嬌女節烈窮始見吾  
人頑鐵姿神鋒出冶鍊君詩自矜寵鑿楹傷往卷

題孀姪讀書秋樹根圖詩

憶昔讀書方少年一官初就已歸田青燈白髮嗟予老  
玉檢金泥望汝賢萬卷荒山成坐擁故家喬木久參天  
遺經舊德堪傳付衰病逢秋祇醉眠

贈張子恆

浮雲西北有旌麾早歲聲名豈浪垂飽看山川萬里眼  
退歸林壑一囊詩平生絕藝差無負子恆自許堪與之  
學言生平三絕藝  
詩不如督兵督  
兵不如看地衰病從君已悔遲與恆老三  
十年相知往事不須  
重感喟世途行步總欷危

吳南屏君山騎驢圖

駟馬高車有傾覆何如湖上穩騎驢功名事業不挂眼  
寂寞蕭閒坐讀書細雨披榛尋斷碣秋風欹帽看叉魚  
歸休塵土勞猶劇準辦從君賦遂初

意城賦長句調吳南老次韻

人聲鴉雀同一喧聒耳惟嫌居近市撻門忽枉重九至  
草木歡笑盡爲此西風展盡青天雲萬里晴空掃塵滓  
人生此景豈能數衰病無懼聊一喜城東走踏定王臺  
蓬蒿尺深行沒履天心一閣落天外隔江山翠平浮几  
蒼顏白袷坐相壓談笑聲落酒杯裏長繩不放日輪側  
人心何時肯知止世人都爲重九忙有似附羶走羣蟻

茱萸壓帽竝成歌簪巾漉酒紛含泚蹇足登高早罷遣  
咫尺乖離眞夢耳及茲叨陪梓湖老哦詩不成甯免恥  
黃花偃蹇避佳節一笑頑鈍如我爾南山悠然陶令逝  
千載詩魂呼不起直道菊花不須開潦倒於今憐子美  
汗牆漉壁復何惜付與時人供誚毀君山白雲望久倦  
五日足抵河清俟